

Akashvani, Sambalpur

SAMBALPURI NEWS EVENING BULLETIN

9 October 2024- 7.02 pm- 7.12 pm.

୧- ସୁଭଦ୍ରା ଯୋଜନାର ୩୫ ଲାଖ୍ ହିତାଧିକାରୀ ପାଏଲେ ପହେଲା କିଛି ଟଙ୍କା ।

- ରାଜ୍ୟର ସବୁଠାନ୍ତୁ ବଡ଼ ଆର୍ଥିକ୍ ସାହାଜ ଯୋଜନା-କହେଲେ ମୁଖ୍ୟମନ୍ତ୍ରୀ ।

୨- ପ୍ରଧାନମନ୍ତ୍ରୀ ଗରିବ୍ କଲ୍ୟାଣ୍ ଅନ୍ତ ଯୋଜନାଥୁ ପୋଷଣ୍ ଯୁକ୍ତ ଚାଉଲ୍ ଯୋଗାଣ ପ୍ରସ୍ତାବ୍‌କେ କେନ୍ଦ୍ର ସରକାର୍ ଦେଲେ ମଞ୍ଜୁରୀ ।

୩- ରେପୋରେଟ୍ ଅପରିବର୍ତ୍ତିତ ରଖିଲା ଭାରତୀୟ ରିଜର୍ଭ୍ ବେଙ୍କ୍ ।

୪- କଳାହାଣ୍ଡି ଜିଲ୍ଲାର୍ ପୁରୁଖା ରାଜନେତା ଧନେଶ୍ୱର୍ ମାଝୀଙ୍କର୍ ପରଲୋକ ।

ଆଉର୍

୫- ରାଜ୍ୟର ସହରନ୍ତୁ ଗାଁ ସବୁନ ଚାଲିଛେ ଜଗତ୍‌ଜନନୀ ମା ଦୁର୍ଗାଙ୍କର୍ ପୂଜା ।

- ଆଏବା କାଏଲ୍ ପଶ୍ଚିମ ଓଡ଼ିଶା ନ ବହେନମାନେ
କର୍ବେ ଭାଏଜିଉଁତିଆ ଉପାସ୍ ।

ସୁଭଦ୍ରା ଆରଏନ୍‌ୟୁ/ କଟକ

ରାଜ୍ୟର ୩୫ ଲାଖ୍ ହିତାଧିକାରୀଙ୍କୁ ଆଏଲ୍ ସୁଭଦ୍ରା
ଯୋଜନାର ୨ ନମ୍ବର ଖେପ୍ ପହେଲା କିଷ୍ଟି ଟଙ୍କା ମିଳିଛେ ।
ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀ ବାରିପଦା ନ ଗୁଟେ
କାର୍ଯ୍ୟକ୍ରମ୍ ଇ ଟଙ୍କା ଦେବାର୍ଟା ମୁଲ୍ କରିଛନ୍ । ଇ ଖେପେ
ହିତାଧିକାରୀମାନଙ୍କୁ ମୋଟ୍ ୧ ହଜାର୍ ୭ ଶହ୍ ୫୦ କୋଟି
ଟଙ୍କାର ଆର୍ଥିକ୍ ସାହାଜ୍ ଦିଆଯାଇଛେ । ଏବ୍‌ତକ୍ ସୁଭଦ୍ରା
ଯୋଜନାର୍ ପହେଲା ଖେପେ ୨୫ ଲାଖ୍ ଆର୍ ଆଝିର୍ ୩୫ ଲାଖ୍
ହିତାଧିକାରୀଙ୍କୁ ମିଶେଇକରି ରାଜ୍ୟର ୬୦ ଲାଖ୍ ମହିଳାଙ୍କୁ
ମୋଟ୍ ୩ ହଜାର୍ କୋଟି ଟଙ୍କା ଆର୍ଥିକ୍ ସାହାଜ୍ ଦିଆଯାଇଛେ ।
ସୁଭଦ୍ରା ଯୋଜନା ମହିଳାମାନଙ୍କୁ ଆର୍ଥିକ୍ ଭାବେ ସ୍ବାବଲମ୍ବୀ
କର୍ବାର୍ ଦିଗେ ଗୁରୁତ୍ୱପୂର୍ଣ୍ଣ ଭୂମିକା ନେବା ବଳି ମୁଖ୍ୟମନ୍ତ୍ରୀ ଶ୍ରୀ
ମାଝୀ କହିଛନ୍ । ସୁଭଦ୍ରା ଯୋଜନାକେ ରାଜ୍ୟର ସବୁଠାନ୍ ବଡ଼
ଆର୍ଥିକ୍ ସହାୟତା ଯୋଜନା ମୁଖ୍ୟମନ୍ତ୍ରୀ କହିଛନ୍ ।

ଇନ ଜନେଇ ଦିଆଯାଇପାରେ ଯେ, ପ୍ରଧାନମନ୍ତ୍ରୀ ନରେନ୍ଦ୍ର
ମୋଦୀ ଗଲା ସେପ୍ଟେମ୍ବର ୧୭ ତାରିଖ୍ ଦିନ ସୁଭଦ୍ରା ଯୋଜନାର୍
ମୁଲ୍ କରିକରି ଇ ଯୋଜନା ମହିଳାମାନଙ୍କର୍ ଉନ୍ନତି ଆର୍
ସାମର୍ଥ୍ୟ ଆର୍ ଓଡ଼ିଶାର୍ ବିକାଶ୍‌ର ମୂଲମନ୍ତ୍ର ହେବା ବଳି

କହିଥିଲେ । ଦେଶର ବିକାଶ ଥିବା ନୀତିଗୁଡ଼ିକର ସମାନ୍ ଭାଗିଦାରୀ
ଦରକାର ଆଉ କେନ୍ଦ୍ର ସରକାର ଗରିବ, ଚାଷୀ, ଯୁଆନ
ପିଲାଟୁକେଲ ଆଉ ମହିଳାମାନଙ୍କର ଉନ୍ନତି ଲାଗି କାମ କରି
ଆସୁଛନ୍ ବଳି ପ୍ରଧାନମନ୍ତ୍ରୀ କହିଥିଲେ ।

ପୋଷଣଯୁକ୍ତ ଚାଉଳ-ମଞ୍ଜୁରୀ ପି.ଆଇ.ବି

ଲୋକମାନଙ୍କର ପୁଷ୍ଟିହୀନତା ଦୂର କରିବାକୁ ପ୍ରଧାନମନ୍ତ୍ରୀ
ଗରିବ କଲ୍ୟାଣ ଅନ୍ନ ଯୋଜନା ଯୋଷଣଯୁକ୍ତ ଚାଉଳ
ଯୋଗାଣ ପ୍ରସ୍ତାବକୁ କେନ୍ଦ୍ର ସରକାର ମଞ୍ଜୁରୀ ଦେଇଛନ୍ ।
କେନ୍ଦ୍ର କେବିନେଟର ଇ ନିଷ୍ପତ୍ତି ବାବଦେ ସୂଚନା ଆଉ ପ୍ରସାରଣ
ମନ୍ତ୍ରୀ ଅଶ୍ୱିନୀ ବୈଷ୍ଣବ ଗଣମାଧ୍ୟମକୁ ସୂଚନା ଦେଇଛନ୍ । ସେ
କହିଛନ୍ ଯେ, କେନ୍ଦ୍ର ସରକାରଙ୍କର ଇ ପଦକ୍ଷେପ ପୌଷ୍ଟିକ
ସୁରକ୍ଷା ସଙ୍ଗେ ସମାବେଶୀ ବିକାଶ ଆଡ଼କୁ ଗୁଡ଼େ ବଡ଼
ପଦକ୍ଷେପ ହେବା । ଇଥି ୧୭ ହଜାର କୋଟିରୁ ଅଧିକ ଟଙ୍କା
ଖର୍ଚ୍ଚ ହେବା ।

ରିଜର୍ଭ ବେଙ୍କ ରେପୋରେଟ ଆରଏନ୍ୟୁ/ କଟକ

ଭାରତୀୟ ରିଜର୍ଭ ବେଙ୍କ୍ ନୀତିଗତ ହିସାବେ ୧୦ ନୟର୍ ଥର୍ ଲାଗି ସୁଧହାର ରେପୋରେଟ୍ସ୍ ପରିବର୍ତ୍ତନ୍ ନାକ୍ କରି । ରିଜର୍ଭ ବେଙ୍କ୍‌ର ଗଭର୍ଣ୍ଣର୍ ଶକ୍ତିକାନ୍ତ ଦାସ୍ ୩ ଦିନିଆ ମୁଦ୍ରାନୀତି କମିଟିର୍ ସମୀକ୍ଷା ବୈଠକ୍ ଉର୍ରୁ କହିଛନ୍ ଯେ, ରେପୋରେଟ୍ ୬ ଦଶମିକ୍ ୫/ଶୁନ୍ ପ୍ରତିଶତ୍ ଅପରିବର୍ତ୍ତିତ୍ ରହିଛେ ।

ରାଜନେତା ଧନେଶ୍ୱର୍ ମାଝୀ ପରଲୋକ୍ / ଆର୍ଏନ୍ୟୁ
ସମ୍ବଲପୁର

କଳାହାଣ୍ଡି ଜିଲ୍ଲାର ପୁରୁଖା ରାଜନେତା ଧନେଶ୍ୱର୍ ମାଝୀଙ୍କର୍ ଆଏକ୍ ସଖାଲେ ହୃଦ୍‌ଘାତଥ୍ ପରଲୋକ୍ ହେଇଯାଇଛେ । ମୃତ୍ୟୁ ବେଳ୍‌କେ ତାହାକୁ ୮୩ ବଛର୍ ବଏସ୍ ହେଇଥିଲା । ସେ କଳାହାଣ୍ଡି ଜିଲ୍ଲାର ନର୍ଲା ଆର୍ କେସିଙ୍ଗା ନିର୍ବାଚନ୍ ମଣ୍ଡଳୀନ୍ ୧୯୭୧, ୧୯୭୪, ୨୦୦୦, ୨୦୦୪ ଆର୍ ୨୦୧୪ ନିର୍ବାଚନ୍ଥ୍ ରାଜ୍ୟ ବିଧାନସଭାକେ ନିର୍ବାଚିତ ହେଇଥିଲେ । ସେ ୧୯୭୮ ନୁ ୧୯୮୪ ମସିହାତକ୍ ରାଜ୍ୟସଭା ସାଂସଦ୍ ଭିଲ୍ ଥିଲେ । ବରିଷ୍ଠ ନେତା ଧନେଶ୍ୱର୍ ମାଝୀଙ୍କର୍ ପରଲୋକଥ୍ ମୁଖ୍ୟମନ୍ତ୍ରୀ ମୋହନ୍ ଚରଣ୍ ମାଝୀ କେନ୍ଦ୍ର ଶିକ୍ଷାମନ୍ତ୍ରୀ ଧର୍ମେନ୍ଦ୍ର ପ୍ରଧାନ, ଉପମୁଖ୍ୟମନ୍ତ୍ରୀ କନକ୍ ବର୍ଦ୍ଧନ୍ ସିଂହଦେଓଙ୍କର୍ ସହେତେ

ଭିନ୍ ଭିନ୍ ଦଲର ରାଜନେତାମାନେ ଗଭୀର ଶୋକପ୍ରକାଶ
କରିଛନ୍ ।

ଉତ୍କଳମଣି ଗୋପବନ୍ଧୁ ଦାସ ଆର୍ଏନ୍‌ୟୁ / ସମ୍ବଲପୁର

ଉତ୍କଳମଣି ଗୋପବନ୍ଧୁ ଦାସଙ୍କର ଆଏଜ୍ ହେଉଛି ଜନମ୍ ଦିନ ।
୧୮୭୭ ମସିହା ଅକ୍ଟୋବର ୯ ତାରିଖ ଦିନ ପୁରୀ ଜିଲ୍ଲାର
ସୁଆଣ୍ଡୋ ଗାଁ ନ ସେ ଜନ୍ମିଥିଲେ । ୧୯୨୧ ମସିହା ଥି ସେ ଓଡ଼ିଶା
ପ୍ରଦେଶ୍ କଂଗ୍ରେସର ପହେଲା ସଭାପତି ହେଇଥିଲେ । ଓଡ଼ିଶା ନ
ସ୍ଵାଧୀନତା ସଂଗ୍ରାମକେ ଚଳାବାର୍ଥ ନେତୃତ୍ଵ ନେଇଥିବା
ଗୋପବନ୍ଧୁ ଦାସ ସାରା ଜୀବନ୍ ଓଡ଼ିଆ ଭାଷାର ସୁରକ୍ଷା,
ପ୍ରାକୃତିକ୍ ବିପର୍ଯ୍ୟୟକେ ସାମ୍ନା କରୁଥିବା ଓଡ଼ିଶାର ଲୁକ୍କୁ ରିଲିଫ୍
ପୁହୁଁଚାବାର୍ ସଙ୍ଗେ ଓଡ଼ିଆ ସାମ୍ବାଦିକତା କ୍ଷେତ୍ର ନ ଅଗ୍ରଣୀ
ଭୂମିକା ନେଇଥିଲେ । ରାଜଧାନୀ ଭୁବନେଶ୍ଵରର ବିଧାନସଭା
ପରିସର ନ ଥିବା ଗୋପବନ୍ଧୁ ଦାସଙ୍କର ପ୍ରତିମୂର୍ତ୍ତି ଥି ମୁଖ୍ୟମନ୍ତ୍ରୀ
ମୋହନ୍ ଚରଣ୍ ମାଝୀ ଆର୍ ବାଚସ୍ପତି ସୁରମା ପାଢ଼ୀ ପୁଲ୍‌ମାଲ୍
ଚଢ଼େଇକରି ଶ୍ରଦ୍ଧାଞ୍ଜଳି ଜନେଇଥିଲେ । ସେନ୍ତା ଗୋପବନ୍ଧୁଙ୍କର
ଜନମ୍ ଜାଗା ପୁରୀ ଜିଲ୍ଲାର ସୁଆଣ୍ଡୋ ଆର୍ ସତ୍ୟବାଦୀ ନ ଥିବା
ପଂଚଶଖା ପ୍ରତିମୂର୍ତ୍ତି ଆର୍ ବକୁଳବନ ସମାଧିସ୍ଥଳ୍ ନ ସମାଜର
ଭିନ୍ ଭିନ୍ ବର୍ଗର ଲୁକେ ଶ୍ରଦ୍ଧାଞ୍ଜଳି ଅର୍ପଣ୍ କରିଥିଲେ ।

କାର୍ତ୍ତିକ ବ୍ରତ

ଆରବନ୍ଧୁ / ସମ୍ବଲପୁର

ପୁରୀ ଶ୍ରୀମନ୍ଦିର ନ ଇ ବଛର କାର୍ତ୍ତିକ ମାସେ ଅଧିରାତି ୧୨ ବଜେ ପହୁଡ଼ ହେଇକରି ପହପହର ୪ ବଜେ ଦୁଆର ଫିଟାଯିବା ବଳି ଶ୍ରୀମନ୍ଦିର ମୁଖ୍ୟ ପ୍ରଶାସକ ଡକ୍ଟର ଅରବିନ୍ଦ ପାଢ଼ୀଙ୍କର ଅଧକ୍ଷତାଧି ଗଲାକାଏଲ୍ ହେଇଥିବା ଛତିଶାନିଯୋଗ ବୈଠକ୍ଥୁ ଧାରିଜ୍ ହେଇଛେ । ସୂର୍ଯ୍ୟ ଅନ୍ତସାରେ ଇ ବଛର ଆଏବା ୧୪ ତାରିଖ ଦଶରା ଉଜଲପଖର ଏକାଦଶୀ ତିଥିନୁ ପୁରୀ ଶ୍ରୀମନ୍ଦିର ନ କାର୍ତ୍ତିକ ମାସର ବାଳଧୂପ ନୀତି ମୁଲ୍ ହେବା । ହେଲେ ଇ ବଛର ପଂଚକ ୪ ଦିନ୍ ପଡ଼ିଛେ । ପଂଚକର ଶେଷ ଦିନେ ନଭେୟର୍ ୧୫ ତାରିଖ ଦିନ ମାହାପୁରୁଙ୍କର ସୁନାବେଶ ରାଜାଧିରାଜ ବେଶ ହେବା ।

ଦୁର୍ଗାପୂଜା

ସମ୍ବଲପୁର/ସୁବର୍ଣ୍ଣପୁର/ନୂଆପଡ଼ା

ଜଗତ୍‌ଜନନୀ ମା ଦୁର୍ଗାଙ୍କର ଆଏଜ୍ ବିଲ୍ଲାବରଣ କରାଯାଇକରି ମହାସପ୍ତମୀ ତିଥିଧି ପୂଜା ମଣ୍ଡପ୍ ମାନକେ ମା'ଙ୍କର ଚକ୍ଷୁଦାନ କରାଯିବା । ହେଥିରଲାଗି ରାଜ୍ୟର ସହରନୁ ଗାଁ ସବୁନ ପୁରୁଧିକେ ଜଗତ୍‌ଜନନୀଙ୍କର ଧରାବତରଣ୍ ଲାଗି

ପୂଜାମଣ୍ଡପ ମାନଙ୍କୁ ପ୍ରସ୍ତୁତି ଶେଷ ଖେପୁଥି ପୁହୁଁଚିଛେ । ଇ ବଛର୍ ରାଜଧାନୀ ଭୁବନେଶ୍ୱର ନ ଶହେ ୮୭ ଟା ଆର୍ କଟକ୍ ନ ଶହେ ୨୨ ଟା ପୂଜା ମଣ୍ଡପ ହେଇଛେ । ପୁରୀ ଶ୍ରୀମନ୍ଦିର ନ ଆଏଜ୍ ଦୁର୍ଗାସ୍ତବ ପରବର ମହାସପ୍ତମୀ ପୂଜା ହେଉଛେ । ରାଏଜେ ମଣ୍ଡପମାନଙ୍କୁ ଷଷ୍ଠୀ ପୂଜା ଆର୍ ଶକ୍ତିପୀଠମାନଙ୍କୁ ସପ୍ତମୀ ପୂଜା ହେଉଛେ ।

ପଶ୍ଚିମ୍ ଓଡ଼ିଶାର ପୁରାତନ ଆର୍ ନାଁକରା ଶକ୍ତିପୀଠ କଳାହାଣ୍ଡି ଜିଲ୍ଲାର ସଦର ମହକୁମା ଭବାନୀପାଟ୍ଣା ନ ମା ମାଣିକେଶ୍ୱରୀଙ୍କର ପୀଠ ପୂଜାର ଲାଗି ଗହଳଚହଳ ହେଇଛେ ।

ସମ୍ବଲପୁର ନ ଅଧିଷ୍ଠାତ୍ରୀ ଦେବୀ ମା ସମଲେଶ୍ୱରୀଙ୍କର ପୀଠ ନ ବିଧି ଅନୁସାରେ ସପ୍ତମୀ ପୂଜା କରାଯାଉଥିବାର ବେଳେ ପୂଜା ମଣ୍ଡପମାନଙ୍କୁ ଷଷ୍ଠୀ ପୂଜା ହେଉଛେ ।

ସୁବର୍ଣ୍ଣପୁର ଜିଲ୍ଲା ନ ଅଧିଷ୍ଠାତ୍ରୀ ଦେବୀ ସୁରେଶ୍ୱରୀଙ୍କର ସହେତେ ରାଜବାଟୀର କନକ ଦୁର୍ଗା, ସମଲେଇ, ଖମ୍ବେଶ୍ୱରୀ, ଭଗବତୀ, ରାମଚଣ୍ଡୀ ଆର୍ ଚର୍ଦ୍ଦେଇ ପୀଠ ନ ଆଏଜ୍ ସପ୍ତମୀ ପୂଜା ଚାଲିଛେ । ବୀରମହାରାଜପୁର ଉପଖଣ୍ଡର କାନପୁର, ଜାଲୋଏ, କର୍ତ୍ତାପାଳ, କର୍ତ୍ତକ୍, ହରଡ଼ଖୋଲ୍ ମାହେଶ୍ୱରୀ ପୀଠ ମାନଙ୍କୁ ବାଡ଼ିନାର ଶୋଭାଯାତ୍ରାଥି ଦେବୀ ମାହେଶ୍ୱରୀ ଆର୍ ପରମେଶ୍ୱରୀ ମହାସ୍ନାନଥି ବାହାରିଛନ୍ । ନଅମୀ ତିଥିତକ୍ ଦେବୀପୀଠମାନଙ୍କୁ ନିଶାପୂଜା ସାଙ୍ଗେ ସନ୍ଧିପୂଜା ହେବା ।

ନୂଆପଡ଼ା ଜିଲ୍ଲାର ବୋଡ଼େନ୍ ବ୍ଲକର ଡମ୍ବର ନ
ଅଧିଷ୍ଠାତ୍ରୀ ଦେବୀ ମା ଦ୍ଵାରସେନୀ, ଠାକୁରାଣୀ ଆର
ଚାରିଚୋରାସି ଦେବୀଙ୍କର ପୀଠ ନ ପୂଜା ଚାଲିଛି । ସମ୍ପ୍ରୀ
ତିଥି ମା ଦ୍ଵାରସେନୀ ଛତରଙ୍କର ଦିହେଁ ଲାଗିକରି ଅନ୍ଧାର ରାତି
ମନ୍ଦିର ନ ପ୍ରବେଶ କରିଛନ୍ ।

ଭାଏ ଜିଉଁତିଆ ଆରଏନ୍ୟୁ/ ସମ୍ବଲପୁର

ପଶ୍ଚିମ ଓଡ଼ିଶା ନ ଆଏବା କାଏଲ୍ ବହେନ୍ ମାନେ ଭାଏ
ଜିଉଁତିଆ ଉପାସ୍ କର୍ବେ । ଦଶରା ଅଷ୍ଟମୀ ତିଥି ନିର୍ଜଳା
ଉପାସ୍ କରିକରି ବହେନ୍ମାନେ ଭାଏମାନକର ଦୀର୍ଘ ଜୀବନ୍
କାମନା କରିକରି ଇ ଉପାସ୍ କର୍ସନ୍ । ହେଥିରଲାଗି ବିହାହେଲା
ଝିଅମାନେ ନିଜର ନିଜର ମା ଘରମାନକୁ ପୁହୁଁତିଥିବାରନ୍
ସବୁଆଡ଼େ ଗହଲଚହଲ୍ ଲାଗିଛି । ଆଏଜଠାନ୍ ଗାଁ ସହର
ସବୁନ ଭାଏଜିଉଁତିଆ ସାଜୋର ହାଟ୍ ବସିଛି ।

ଆରଡ଼ିସି -ସମ୍ବଲପୁର ଜିଲ୍ଲାପାଲ୍ ଅଫିସ୍ /ସମ୍ବଲପୁର
ସମ୍ବାଦଦାତା

ଉତ୍ତରାଂଚଲ୍ ରାଜସ୍ୱ ଆୟୁକ୍ତ- ଆର୍ଡିସି ସଚିନ୍ ରାମଚନ୍ଦ୍ର ଯାଦବ୍
ଆଏଜ୍ ସମ୍ବଲପୁର ଜିଲ୍ଲାପାଲଙ୍କର କାର୍ଯ୍ୟାଳୟର ଭିନ୍ ଭିନ୍
ବିଭାଗର କାମର ତଦାରଖ କରିଛନ୍ । ଇତାର୍ସଙ୍ଗେ ଆର୍ଡିସି
ଶ୍ରୀ ଯାଦବ୍ ଜିଲ୍ଲା ପରିଷଦ୍ ସମ୍ମିଳନୀ କକ୍ଷ ନ ହେଇଥିବା ଗୁଚେ
ବୈଠକ୍ ଥି ଜିଲ୍ଲା ନ ଭିନ୍ ଭିନ୍ ଜନକଲ୍ୟାଣକାରୀ ଯୋଜନାର
ଅଗ୍ରଗତି ବାବ୍ଦେ ସମୀକ୍ଷା କରିଥିଲେ । ବୈଠକ୍ ଥି ଜିଲ୍ଲାପାଲ୍
ସିଦ୍ଧେଶ୍ୱର ବଳିରାମ୍ ବୋଦରଙ୍କର ସହେତେ ବରିଷ୍ଠ
ଅଧିକାରୀମାନେ ଉପସ୍ଥିତ୍ ଥିଲେ ।

ଭବାନୀପାର୍ବଣ-ଡାକ୍ଟିକର୍ ପ୍ରଦର୍ଶନୀ କଳାହାଣ୍ଡି ସମାଦଦାତା

ଭବାନୀପାର୍ବଣାର ବ୍ରଜମୋହନ୍ ହାଇସ୍କୁଲ୍ ନ ଆଏଜ୍ଠାନୁ
ଡାକ୍ଟିକର୍ ପ୍ରଦର୍ଶନୀ ମୁଲ୍ ହେଇଛେ । ପ୍ରଦର୍ଶନୀଥି ଶହେ ନୁ
ଅଏତ୍କା ପ୍ରେମ୍ ଥି ଦେଶ୍ ବିଦେଶ୍ ର ଖୋବ୍ଚେ ବିରଳ
ଡାକ୍ଟିକର୍ ପ୍ରଦର୍ଶନ୍ କରାଯାଇଛେ । ଇ ପ୍ରଦର୍ଶନୀ
ଆଏବାକାଏଲ୍ତକ୍ ଚାଲ୍ବା ।

ବୌଦ୍ଧ ଜିଲ୍ଲାପାଲ-ଆହାର କେନ୍ଦ୍ର ବୌଦ୍ଧ ସମାଦଦାତା

ବୌଦ୍ଧ ଜିଲ୍ଲାପାଲ୍ ସୁବ୍ରତ୍ କୁମାର୍ ପଣ୍ଡା ଆଏଜ୍ ବୌଦ୍ଧ
ଡାକ୍ଟିକ୍ଷାନା ପାଖେ ଥିବା ଆହାର କେନ୍ଦ୍ର ନ ଅଚାନକ୍

ପୁସ୍ତକିକରି ଖାଦ୍ୟର ମାନ ଦେଖିବାର ସଙ୍ଗେ ଲୁକ୍କର ସାଙ୍ଗେ ମିଶିକରି ଆହାର ଖାଇଥିଲେ । ଆହାର କେନ୍ଦ୍ର ନ ଫି' ଦିନ ୫ ଶହ ଲୁକ୍କୁ ଖାଏବାର୍ତା ଯୁଗାବାର୍ତ୍ତକେ ସେ ନିର୍ଦ୍ଦେଶ ଦେଇଥିଲେ ।

ଧାନ୍ ସଂଗ୍ରହ ପ୍ରସ୍ତୁତି ବୈଠକ ଦେବଗଡ଼ ସମ୍ପାଦନା

ଦେବଗଡ଼ ଜିଲ୍ଲା ନ ଖରିଫ୍ ଧାନ୍ ସଂଗ୍ରହ ପ୍ରସ୍ତୁତି ବୈଠକ ଜିଲ୍ଲାପାଳ କବୀନ୍ଦ୍ର କୁମାର ସାହୁଙ୍କର ଅଧ୍ୟକ୍ଷତାରେ ହେଇଯାଇଛି । ବୈଠକରେ ଧାନ୍ ଘିନା ବାବଦ୍ ପ୍ରସ୍ତୁତି ଉପରେ ଆଲୋଚନା କରାଯାଇଥିଲା ।

ଆନ୍ତର୍ଜାତିକ ବାଲିକା ଦିବସ ବୌଦ୍ଧ/ଦେବଗଡ଼ ସମ୍ପାଦନା

ଆନ୍ତର୍ଜାତିକ ବାଲିକା ଦିବସ ଅବସରେ ବୌଦ୍ଧ ଜିଲ୍ଲାପାଳଙ୍କର କାର୍ଯ୍ୟାଳୟ ସଭାଗୃହ ନ ଗୁଚେ ସଭା ହେଇଯାଇଛି । ସଭାରେ ଜିଲ୍ଲାପାଳ ସୁବ୍ରତ କୁମାର ପଣ୍ଡା, ଅତିରିକ୍ତ ଜିଲ୍ଲାପାଳ ଅନିରୁଦ୍ଧ ପ୍ରଧାନ ଆର୍ ଉପ ଜିଲ୍ଲାପାଳ ପ୍ରଭାତ୍ ଚନ୍ଦ୍ର ଦଣ୍ଡସେନା ଅତିଥି ଥିଲେ । ସେଠା ଦେବଗଡ଼ ନ ଅତିରିକ୍ତ ଜିଲ୍ଲାପାଳ ରେବେକା ବିଲୁଙ୍କର ଅଧ୍ୟକ୍ଷତାରେ ହେଇଥିବା ସଭା ନ ଭିନ୍ ଭିନ୍ ଦିଗେ

ସଫଳତା ପାଇଥିବା ଜିଲ୍ଲାର ତୁକେଲ୍ ଛୁଆମାନଙ୍କୁ ସମର୍ଥନ
କରାଯାଇଥିଲା ।

ବନ୍ୟଜନ୍ତୁ ସଂରକ୍ଷଣ ହସ୍ତାନ୍ତର ନୂଆପଡ଼ା/ଦେବଗଡ଼ ସମ୍ବାଦଦାତା

ନୂଆପଡ଼ା ଜିଲ୍ଲା ଖଡ଼ିଆଲ୍ ବନଖଣ୍ଡ ତରଫୁ ବନ୍ୟଜନ୍ତୁ
ସଂରକ୍ଷଣ ହସ୍ତାନ୍ତର ପାଲିତ୍ ହେଇଯାଇଛି । ଇ ଅବସ୍ଥାରେ ନୂଆପଡ଼ା
ଜିଲ୍ଲା ଜଳ ବିଭାଜିକା ସମ୍ମିଳନୀ କକ୍ଷ ନ ବନଖଣ୍ଡ ଅଧିକାରୀ
ଅଜିତ୍ ଖାନଙ୍କର ଅଧିକାରୀ ହେଇଥିବା ସତ୍ତ୍ୱାଧିକାରୀ ଜିଲ୍ଲାପାଲ୍
ମଧୁସୂଦନ୍ ଦାସ, ଏସ୍.ପି. ଜି.ଆର୍. ରାଘବେନ୍ଦ୍ର ଆର୍ ଡ଼ାଇଲ୍
ଲାଭର୍ ଡ଼ାଡେନ୍ ମାୟାଧର ସରାଫ୍ ଅତିଥି ଥିଲେ ।

ସେକ୍ତା ଦେବଗଡ଼ ନ ଜିଲ୍ଲା ବନଖଣ୍ଡ ଅଧିକାରୀ ମଗର ଧନାଜୀ
ରାଓସୋଙ୍କର ଅଧିକାରୀ ହେଇଥିବା ସତ୍ତ୍ୱାଧିକାରୀ ଏସ୍.ପି. ଅନୀଲ୍
କୁମାର୍ ମିଶ୍ର ମୁଖ୍ୟ ଅତିଥି ଥିଲେ ।